

Na osnovu člana 20a. Zakona o radu FBiH („Službene novine FBiH“, br. 26/16 i 89/18), Uredbe o postupku prijema u radni odnos u javnom sektoru u HNK-a („Službene novine HNK-a“, br. 4/19, 5/19 i 5/20), člana 4. i 5. Pravilnika o radu preduzeća, Odluke o načinu izbora, postupku i kriterijima za izbor novih radnika i Odluke o potrebi zapošljavanja novih radnika br. 916/22 od 23.05.2022. godine, stečajni upravnik JKP „Jablanica“ d.d. – u stečaju, Omladinsko šetalište bb, Jablanica, raspisuje:

**JAVNI OGLAS**  
**za prijem radnika u radni odnos na neodređeno vrijeme**  
**uz uslov probnog rada u trajanju od 3 (tri) mjeseca**

**I**

Oglašava se potreba za zapošljavanjem radnika na neodređeno vrijeme uz uslov probnog rada u trajanju od 3 (tri) mjeseca za sljedeća radna mjesta:

- 1. Poslovi sakupljanja i utovara komunalnog otpada, otpada za reciklažu, čišćenje komunalnih vozila i održavanje zelenih površina.....1 izvršilac**  
**Kratak opis poslova:** Operativni rad unutar Reciklažnog dvorišta u krugu JKP „Jablanica“ d.d. koji obuhvata: primanje korisnog, neopasnog otpadnog materijala, razvrstavanje istog, rad na presi i baliranju, premještanju presovanih bala, briga i održavanje opreme i prostora Reciklažnog dvorišta, dnevno evidentiranje sakupljene količine i vrste otpada i drugi vezani poslovi, obavlja poslove mehanizovanog utovara svih vrsta otpadaka iz posuda za sakupljanje otpadaka (kontejnera) u komunalno vozilo; čisti prostore oko kontejnera od zaostalih – prosutih otpadaka i ubacuje ih u komunalno vozilo; pravilno i pažljivo manipulira sa kontejnerima kod mehanizovanog istresanja otpadaka iz kontejnera u komunalno vozilo; obavlja sve vrste poslova održavanja i zaštite zelenih i rekreativnih površina iz Programa održavanja objekata zajedničke komunalne potrošnje uz obavezno korištenje propisanih ličnih zaštitnih sredstava; po završenom dnevnom utovaru, odvozu i deponovanju svih vrsta otpadaka čisti komunalno vozilo po uputama rukovodioca organizacione jedinice; učestvuje u pranju i dezinfekciji kontejnera po utvrđenim vremenskim terminima pranja i dezinfekcije; obilazi i obavlja sve neophodne poslove za nesmetan, odnosno ispravan rad pumpnih stanica; obavlja i druge poslove iz djelokruga rada sektora, radne jedinice i po nalogu nadređenih lica.
- 2. Poslovi putara i održavanje zelenih površina.....1 izvršilac**  
**Kratak opis poslova:** Obavlja poslove čišćenja i održavanja lokalnih nekategorisanih puteva u raspoređenom rejonu uz obavezno korištenje (nošenje) propisanih ličnih zaštitnih sredstava i direktno je odgovoran za obim i kvalitet izvršenih poslova; obavlja sve vrste poslova održavanja i zaštite zelenih površina iz Programa održavanja objekata zajedničke komunalne potrošnje uz obavezno korištenje propisanih ličnih zaštitnih sredstava; obavlja i druge poslove iz djelokruga rada sektora, radne jedinice i po nalogu nadređenih lica.

**II**

Kandidati koji se prijavljuju na oglas potrebno je da ispunjavaju opšte i posebne uslove i to:

- opšti uslovi - da je državljanin BiH i da ima prebivalište u BiH; - da je stariji od 18 godina; - da je zdravstveno sposoban za obavljanje poslova radnog mjesta (samo kandidat koji bude izabran, dužan je da dostavi ljekarsko uvjerenje).
- posebni uslovi: - završena osnovna škola; - nije potrebno radno iskustvo.

**III**

Potrebna dokumentacija uz prijavu na Javni oglas:

- Prijava na Javni oglas se podnosi **isključivo** na prijavnom obrascu koji je sastavni dio Uredbe o postupku prijema u radni odnos u javnom sektoru u HNK (Prijavni obrazac se može preuzeti na web stranici poslodavca [www.komunalnojablanica.com](http://www.komunalnojablanica.com), a može se preuzeti i na web stranici kantonalnog ministarstva nadležnog za poslove rada);
- Svjedočanstvo o završenoj osnovnoj školi;
- Izvod iz matične knjige rođenih (ukoliko na obrascu nema naznake da je bez roka važenja isti ne može biti stariji od 6 mjeseci);
- Uvjerenje o državljanstvu (ne starije od 6 mjeseci)
- Prijava mjesta prebivališta – CIPS;

#### IV

Prioritet pri zapošljavanju pod jednakim uslovima imaju osobe iz člana 1. Zakona o dopunskim pravima branilaca i članova njihovih porodica u HNK, kao i osobe koje po drugim važećim zakonima imaju prioritet u zapošljavanju, ukoliko ispunjavaju opšte i posebne uslove radnog mjesta. Prioritet u zapošljavanju kandidati dokazuju odgovarajućim dokumentima (potvrda, uvjerenje i sl.) koje prilažu prilikom prijave na javni oglas, pozivajući se na poseban zakon po kojem imaju prednost.

Kandidati koji blagovremeno dostave potpune i uredne prijave i koji ispunjavaju uslove oglasa bit će pozvani na usmeni ispit/intervju.

Neblagovremene, neuredne ili nepotpune prijave neće se uzeti u razmatranje. Kandidati će biti pismeno obavješteni o izboru kandidata najkasnije u roku od 5 (pet) dana od dana izbora, a dokumenti priloženi uz oglas neće se vraćati. Svi traženi dokumenti koji služe kao dokaz o ispunjavanju uslova, dostavljaju se kao original ili ovjerena kopija. Sa kandidatima koji budu izabrani i primljeni u radni odnos, zaključit će se ugovor o radu na neodređeno vrijeme, uz probni rad u trajanju od od 3 (tri) mjeseca. U slučaju da primljeni kandidat ne zadovolji očekivanja poslodavca u toku probnog rada, prestat će mu ugovor i radni odnos kod poslodavca, bez otkaznog roka i bez ikakvih obaveza poslodavca prema izabranom kandidatu.

Kandidat koji se prijavljuje na više radnih mjesta, obavezan je za svako radno mjesto podnijeti posebnu, odvojenu prijavu i potrebnu dokumentaciju u odvojenim kovertama, u protivnom prijava kandidata smatrat će se nepotpunom.

Oglas ostaje otvoren 15 (petnaest) dana od dana objavljivanja.

Obavještenje o raspisivanju javnog oglasa je objavljeno u dnevnom listu "Oslobođenje" i "Dnevni list" dana 25.05.2022. godine.

Tekst javnog oglasa je objavljen na oglasnoj tabli i web stranici poslodavca [www.komunalnojablanica.com](http://www.komunalnojablanica.com), a bit će dostavljen i Službi za zapošljavanje HNK, poslovnica Jablanica radi isticanja na oglasnoj tabli.

Prijave na oglas sa potrebnom dokumentacijom, u zatvorenoj koverti, dostaviti lično ili preporučenom poštom na adresu:

**JKP "Jablanica" d.d. – u stečaju, ul. Omladinsko šetalište bb, 88420 Jablanica,  
sa naznakom „Prijava na Oglas za radno mjesto pod rednim brojem \_\_\_ – ne otvarati“**